

# Карачаево-Черкесск келн- äмтнä культур цецгрджанä

Ставропольск крайин Кара-  
чаево-Черкесск автономн об-  
ластьд Карачаевск балгьснд  
гурвн давхр у-сарул герт  
шин пединститут секгдв. Эн  
ах сургъулин заведенъд ним  
гурвн факультет бääнä:

1. Орс келнä болн литера-  
турин, карачаевск келнä болн  
литературин.

2. Орс келнä болн литера-  
турин, черкесск келнä болн  
литературин.

3. Физикин болн математи-  
кин.

Шин секгдджäх пединсти-  
тут областин школмудин тö-  
лä ах сургъульта багшир  
белдхмн. Карачаево-Черкесск  
культур öбллүллгънд инсти-  
тут ик дөнъ-тусан күргхмн.

Джил болгън карачаев-чер-  
кесск олн-äмтнä культур цец-  
грäд йовна. Областьд 3 дун-  
дин шишлнъ сургъулин заве-  
день, кесг техническ болн

ремесленн училищ бääнä. Об-  
ластин 203 дундин сургъулин  
школмудар 40 минъгъ шаху  
карачаев, орс, нагай, черкес  
болн нань чигн келн äмтнä  
багъчуд сургъуль сурджац-  
хана.

Областин олн-келн улс  
кöдлмшиннъ хöөн амрцхадг  
культурин гер, библиотек,  
кинотеатр, культурн болн цää-  
лгъврин учрежденьс, обла-  
стин драматическ театр болн  
келн-äмтни ду-биигъин госу-  
дарственн ансамбль кöдлджä-  
нä. Дакад болхла областин 5  
газет, района 3 газет гардг  
деерän, дегтрмүд болн жур-  
налмуд барлдг издательств  
бääнä.

Öдгä цагг Черкесск келн-  
äмтн орсин орн-нутгла эврä-  
ннъ дурар негдäд 400 джил  
болджах темдгтä öбнд белд-  
джанä.

В. РУМЯНЦЕВ.